

TIL MOR OG FAR SIN SYLVERYLLAUPSDAG - 3. JUNI 1944.

oo

Tone : "Rett som örnen stiger."

Våren kring oss leikar - Summeren er nær -
Lint kring koll og kneiker - Milde vindar fer -
Fuglar kvad og syng - mellom lauv og lyng.

Vi tilbake skrider - fem-og-tjue år -
I dei gamle tider - var det og så var -
Våren skaper fest - lokker fram til prest .

Der vert sigren vunden - Allting gjekk så greitt :
Brudgomen vert bunden - Så var to blitt eitt -
Jeu då, far og mor - glede var vel stor !

Alt så fint seg lagar : Etter vår kjem vår -
Etter dag kjem dager - Etter år kjem år -
Ja, så står vi her - som de alle ser .

Mengt i hugen ströymer denne høgtidsstund -
Minnekrensen göymer - sol på heimleg grunn -
- Kjære mor og far; Takk for det de var !

Takk for ljös og lagnad - Takk for fred og frygd -
Takk for fager fagnad - Takk for dåd og dygd -
Fire jubler her : Takk for det de er !

Takk for de vil vere - som de var og er !
Mätte vi få ære - dykk vi har så kjær -
- Fer i høge heim ; Du må signa deim !

Signe helg og vyrke - Signe slit og fest -
Sign med kraft og styrke - slik dei treng det best -
Lyft ditt edelsbrev - over deira strev !

Då blir heimen kyrkje - stigen opp mot Gud -
Då blir kvardegayrke - deira høgtidskrud -
Då blir hugen full - av ditt himmelgull .

Når mot kveld det stunder - let dei skode få -
dine livsens lunder - bak det kvardagsgrå -
- Gjev din himmelfred - heilt til sol går ned !

oooooooooooooooo

Ingemund, Oddny, Sigurd og Knut.